

Գէպի՛ Ալեքսանդրապոլ... Այս մարտակոչը հարագատ էր ամենքին—  
և՛ յաղթական ու հպարտ զօրքին, և՛ անխուսափելի մահից ազատուած ժողո-  
վըրդին: Ոգեւորուած՝ ամենքն ապրում էին Ալեքսանդրապոլը վերագրուելու  
դադափարով: Եւ մինչ զօր. Սիւրիկեանը պատրաստուած էր ընդհանուր  
յառաջխաղացման, հեռագիր ստացուեց, որ Բաթումում ստորագրուել է  
հաշտութեան դաշնագիր. զօր. Նազարբէգեանը հրամայում էր կնքել զինա-  
դադար...

Կարելի է երեւակայել, թէ այս լուրը ի՞նչ տպաւորութիւն գործեց  
Երեւանում ու բանակի մէջ. յուսահատութիւնը անսահման էր. Ազգային  
Պորհուրդը անընդհատ նիստեր էր գումարում, բայց որոշ եզրակացութեան  
չէր կարողանում յանգել. մեծամասնութիւն չէր կազմուած: Արամը գրեթէ  
չէր մասնակցում այդ նիստերին. նա ամփոփուել էր իր մէջ և սպասում էր  
զօր. Նազարբէգեանին: Ազգ. Պորհուրդն արեւոծուած էր առանց նրան. ոմանք  
առաջարկում էին հաշտուել կացութեան և ընդունել Բաթումի դաշնագրի  
պայմանները, ուրիշները — գլխաւորապէս, դաշնակցականները — պահանջում  
էին չեղեալ համարել զօր. Նազարբէգեանի հեռագիրը հաշտութեան մասին,  
զօրքերի ընդհանուր հրամանատար նշանակել զօր. Սիւրիկեանին և շարունա-  
կել պայքարը: Այս առաջարկի կողմնակիցներին թեւ էր տալիս և զօրքի  
խիստ բացասական վերաբերումը դէպի Բաթումի դաշնագիրը. առաջաւոր  
զիրքերից հեռագիրներ էին սեղում, որոնք բողոքում էին այդ դաշնագրի  
դէմ և խնդրում էին Ազգ. Պորհուրդին՝ շարունակել պատերազմը: Այս տրա-  
մադրութեան ոյժ էր տալիս, մանաւանդ, այն հանգամանքը, որ, ըստ դաշ-  
նագրի պայմանների, երկրի ամենահարուստ մասերը յանձնում էին թշնա-  
մուն, և Ղամարլուն, որ դեռ չէր գրուած թիւրքերի կողմից, բայց  
դաշնագրով պիտի անցնէր նրանց, հարիւրաւոր ներկայացուցիչներ էր  
ուղարկել Երեւան, որոնք ցոյց արին Ազգ. Պորհուրդի առջև՝ պահանջելով  
մերժել Բաթումի դաշնագիրը: Յուցարարները — կանայք ու օրիորդներ —  
գրօջակները ձեռներին՝ կանգնում էին Ազգ. Պորհուրդի շէնքի առջև և  
ներկայացուցիչների բերանով յայտարարում, թէ իրենց չըջանը ամբողջ  
ունեցածքն ու կուտղ ուժերը տրամադրում է Ազգ. Պորհուրդին, միայն թէ  
թշնամու պայմանները չընդունեն:

Վճիռ տալը անչափ դժւար էր. վտանգը շատ էր մեծ: Հայկական  
զօրքերի ընդհանուր քանակը այդ օրերին հասնում էր 30 ոչ լրիւ գումար-  
տակների, մինչդեռ թիւրքիան շարժման մէջ էր դրել 5 ղեկվիդիա (3ըդ,  
5ըդ, 9ըդ, 11ըդ և 36ըդ), այսինքն՝ 50 գումարտակ և ի վիճակի էր նորանոր  
ուժեր հասցնելու: Հայ զինուորների թիւը 12,000ը չէր անցնում. թիւրքերն  
առաջ էին քաշել 35,000 կուտղ:

Ազգ. Պորհուրդը չկարողացաւ միակամութիւն երեւան բերել, և զօր.  
Սիւրիկեանին մնաց ենթարկուել զօր. Նազարբէգեանի հրամանին: Պատերազմը  
վերջացաւ: Ղամարլուի չըջանի բնակչութեան մի մասը անմիջապէս դադ-  
թեց. միւսը հեռացաւ թիւրքերի գալուց յետոյ: